

UNIVERZITET U SARAJEVU  
ELEKTROTEHNIČKI FAKULTET U SARAJEVU  
Broj: 02-1-1977/07  
Dana, 04.09.2007. godine

Na osnovu člana člana 197. Pravila Elektrotehničkog fakulteta u Sarajevu – Prečišćeni tekst (broj: 01-01-1829/06 od 11.09.2006.godine) i obavljenih konsultacija dan 04.09.2007. godine sa Kolegijom Elektrotehničkog fakulteta u Sarajevu po pitanju rezultata prolaznosti studenata i upisa u narednu školsku godinu, Dekan Elektrotehničkog fakulteta u Sarajevu je donio

## O D L U K U

### I

Svi usmeni ispiti iz tekućeg popravnog ispitnog roka moraju biti okončani sa 15.09.2007. godine do 20,00 sati, a nastavnici su dužni predmetne prijave predati u Studentsku službu do 16.09.2007. godine do 10,00 sati.

### II

Studentska služba sačinit će za svaki nastavni predmet Listu studenata koji i nakon održanog ispitnog roka i dalje pripadaju grupi „graničnih slučajeva“ i istu dostaviti u ponedjeljak 17.09. 2007. godine do 9,00 sati svim nastavnicima I i II godine na čijim predmetima su evidentirani takvi studenti.

Tokom treće sedmice tekućeg mjeseca septembra, u periodu od 17.09.2007. godine do 21.09.2007. godine, nastavnici će obaviti još jednu (konačnu) provjeru znanja studenata, uvažavajući i rezultate koji su postigli tokom godine i rezultate (prijave) dostaviti Studentskoj službi najkasnije do petka 21.09.2007. godine do 20,00 sati; nakon tog roka Studentska služba neće primati prijave koje se odnose na ove studente.

### III

Odluka stupa na snagu danom donošenja.

## O B R A Z L O Ž E N J E

Analiza rezultata uspješnosti polaganja ispita na I i II godini studija pokazuje već sada da postoji veliki broj studenata II godine kojima za upis u III godinu studija nedostaje položen samo jedan ispit. Isto je tako veliki broj onih studenata kojima za upis u II godinu studija nedostaje položiti jedan od dva preostala ispita.

Studenti koji se nalaze u ovakvoj situaciji pripadaju tzv. grupi „graničnih slučajeva („border- line cases“) za koje je, u skladu s principima Bolonjskog procesa i praksom što se može vidjeti na univerzitetima koji su ranije prešli na ovaj sistem studiranja, predviđen poseban tretman prije nego se zaključi s tekućom akademskom godinom. Taj poseban tretman sastoji se u još jednoj (konačnoj) provjeri njihovog znanja, uvažavajući rezultate koji su postigli tokom godine. Ta provjera u principu nije formalne naravi (pismeni + usmeni ispit i sl.) nego se sastoji iz suštinskog razmatranja svakog pojedinačnog slučaja i uvida da li „vaga može pretegnuti na drugu stranu“ pod uvjetom da je za takav rezultat nedostajalo „malo“.

Kolegij Fakulteta na svom sastanku održanom 04.09.2007. godine, nakon razmatranja izvještaja o analizi uspješnosti polaganja ispita na I i II godini, predložio je Dekanu Fakulteta da donese odgovarajuću odluku kojom bi se omogućilo studentima da poboljšaju svoje rezultate rada za proteklu akademsku godinu.

Dekan Fakulteta prihvatio je prijedlog Kolegija Fakulteta i donio odluku kao u dispozitivu.

D E K A N

Red.prof.dr.sci. Kemo Sokolija

CO: Oglasna tabla za studente  
Web stranica Fakulteta  
Video zid  
Svim nastavnicima na e-mail adrese  
Prodekanu za nastavu  
a/a